



Inombolo yefayili: 27/R  
Isalathiso: 20230302-2031

INGcaciso eMfutshane yeCandelo loPhuhliso noQuquzelelo lwamaZiko: 0002/2023

Iya: KumaGosa eZithili, kwiiNtloko zamaCandelo eZifundo, kwiiNqununu nakumaLungu amabhunga olawulo nakooTitshala

**Isihloko: Kucelwa izikolo ukuba zenze isicelo sokufumana amacwecwe ezikhumbuzo zemveli ii-blue heritage plaques ngo-2023**

## 1. Ingcaciso ngokubanzi ngeprojekthi yezikolo i-Blue Plaque Schools Project

- 1.1 IProjekthi i-Blue Plaque Schools Project yaqaliswa yi-Centre for Conservation Education ne-Cape Town Heritage Foundation (engumbutho oyinxalenye ye-Heritage Association of South Africa (HANSA)) ngo-2015. Ukususela ngoko, zizikolo eziyi-55 ezifumene amacwecwe i-blue heritage plaques eNtshona Koloni nesikolo esinye eMpuma Koloni.
- 1.2 Izikolo ezifumene amacwecwe ngo-2022 ziquka i-Durbanville Primary, i-Hopfield High, i-Mountain Road Primary, i-Modderdam High, i-Porterville High, i-SACS Junior, i-Seven Steps Academy for the Deaf, i-Swellendam Primary ne-Muir College (kumsitho wesikhumbuzo sayo seminyaka eyi-200).
- 1.3 Izikolo ezininzi zinembali ende nemvelaphi elilifa lethu eliqhayiya yokuzisa imfundo kwiindawo zasekuhlaleni zazo. Ezinye zezi zikolo ezinendumasi, nezithe ngokugqwesa kwazo zanomtsalane emehlweni abantu ngeendlela ezahlukeneyo. Nakuba kunjalo, ezinye izikolo ezininzi ziye zahlala zingafumani kuqwalaselwa yaye zisesethinzini ngenxa yembali yokungalingani kweentlanga yexesha elidlulileyo yelizwe lethu. Oku kuyinyaniso ngakumbi kwizikolo zecawa ezininzi ezathi zaphuhla zade zangamaziko agqwesileyo kwiindawo zasekuhlaleni zabahlwempuzekileyo. ISebe leMfundo leNtshona Koloni likholelwa ekubeni zonke izikolo mazinikwe ingqwalaselo ngegalelo lazo ezilenzileyo.
- 1.4 Amacwecwe ezikhumbuzo ii-blue plaques angumqondiso (symbol) owaziwayo ngamazwe ngamazwe wezakhiwo kunye neendawo ezibaluleke gqitha kwimbali nakwimvelaphi elilifa lethu kwindawo yasekuhlaleni. Umbutho i-HASA uqhube iProjekthi ye-Blue Plaque kwithuba lemnyaka engama-56 edlulileyo.

- 1.5 Le projekthi ithetha ukuba izakhiwo zembali nezikolo ezibangela umdla nezinexabiso gqitha zinikwa ingqwalaselo nokuxabiseka ngokuwongwa ngecwecwe lesikhumbuzo eliyi-*blue plaque*. Ukufumana ingcaciso engaphezulu nokubona imifanekiso yamacwecwe ezikhumbuzo ii-*blue plaques* ekuwongwe izikolo ngazo, yiya apha [www.cthf.co.za](http://www.cthf.co.za) okanye [www.heritagesa.org](http://www.heritagesa.org)
- 1.6 Izikolo bezisoloko zingathathelwa ngqalelo ubukhulu becala yaye zingamelwa ngokwaneleyo malunga nokuba ziwongwe ngamacwecwe ezikhumbuzo azii-*blue plaques*. I-Centre for Conservation Education ne-HASA zinqwenela ukwazisa izikolo ngale projekthi yaye zikhuthaza ezo zikolo zicinga ukuba zikufanele ukuzuza icwecwe lesikhumbuzo i-*blue plaque*, zenze isicelo soko ngokuqwalasela ngocoselelo iindidi ezidweliswe kwingongoma 4.
- 1.7 Naphi na apho kunokwenzeka, kuye kufunwe inkxaso yamabhunga ezemveli engingqi yaye amanye kuwo aye azibophelela ekuxhaseni ngokunikezela ngecwecwe i-*blue plaque* ezikolo ezikufanelwe kukulifumana kwingingqi yawo zibe zingenako ukulihlawulela icwecwe ngokwazo:
- Kwingingqi yaseKapa:** i-Cape Town Heritage Foundation (icwecwe elinye ukuya kwamabini asimahla/ngonyaka)
  - Kwingingqi yase-Paarl:** i-Drakenstein Heritage Foundation (icwecwe elinye elisimahla/ngonyaka)
  - Kwingingqi yase-Stellenbosch:** i-Stellenbosch Heritage Foundation (icwecwe elinye elisimahla/ngonyaka)
  - Kwingingqi yase-Swellendam/Southern Cape:** i-Swellendam Heritage Association (ngokuxhomekeke kwimali ekhoyo)
- 1.8 Nakuba amabhunga ezemvelaphi elilifa lethu amininzi engenamali yokunika inkxaso kwi-*blue plaques*, asebenza kwiikomiti zabagwebi.
- 1.9 Izikolo ezininzi kufuneka zilungiselele ukuzihlawulela ngokwazo amacwecwe ii-*blue plaques* kodwa zikhuthazwa ukuba zithethane nabaxhasi abakwiindawo abahlala kuzo.
- 1.10 Le projekthi ivuleleke kuzo zonke izikolo eNtshona Koloni. Nakuba kunjalo amanani anokuqingqwa ngenxa yeemeko zolawulo ezichaphazelekayo.

## 2. Okuyinzuzo kwizikolo

- 2.1 Ukufunyanwa kwecwecwe lesikhumbuzo i-*blue plaque* zizikolo kunezi nzuzo zilandelayo:
- Amacwecwe ezikhumbuzo aziwa kumazwe ngamazwe njengemiqondiso yemo yesakhiwo okanye yeziko elibonisa imvelaphi nenkcubeko elilifa lethu.
  - Amacwecwe ezikhumbuzo anendumasi yaye kuya kukhutshwa inani eliqingqiweyo kunyaka ngamnye, ngokuxhomekeke kwimithombo yezemali efumanekayo nolawulo lweprojekthi.

- c) Amacwecwe ezikhumbuzo ancanyathiselwa ngaphambili kwisakhiwo sesikolo njengophawu lwezembali olusisigxina ukukhumbula unxibelelwano olukhoyo phakathi kwesikolo nomsebenzi owenziwayo, isiganeko okanye umntu. Amacwecwe esikhumbuzo abekwa kwindawo esemboniselweni kakhulu ukwenzela ukuba abafundi, abazali kunye neendwendwe zibe nako ukuwabona.
- d) Ngokuwongwa ngecwecwe lesikhumbuzo, isikolo sifumana ukuqatshelwa ngegalelo eliyimbali esilenzileyo kwimfundo kubahlali abayinxalenye yaso nakwimfundo ngokubanzi.
- e) Amacwecwe ezikhumbuzo ayintsusa yokuziqhenya koluntu kunye nempumelelo.
- f) Amacwecwe ezikhumbuzo ayilwe ngokufanelekileyo yaye enziwa ngezinto (*materials*) ezomelele gqitha.
- g) Izikolo ezifumana amacwecwe ezikhumbuzo ziya kudweliswa kumaziko ewebhu e-HASA nakumaziko ewebhu amabhunga ezemveli engingqi.

2.2 Inkqubo yokwenza isicelo yasoloko iyinto elula gqitha ukwenzela ukuba izikolo zingachithi xesha ngokungeyomfuneko, ngokwenza iziphakamiso ezide nezineenkukacha ezininzi.

### 3. **Indlela esebenza ngayo iprojekthi i-Blue Plaque Schools Project**

3.1 Izikolo ezinembono yokuba ziyazifezekisa ezi khayitheriya zikwingongoma 4 ziyacelwa zenze isicelo.

3.2 Iindleko zecwecwe lesikhumbuzo i-blue plaque, kungabandakanywanga ukufakwa kwalo, zinokwahluka yaye zinokuxabisa phakathi kwe-R2000.00 ne-R4000.00 ngokuxhomekeke ekubeni ngowuphi na umthengisi osetyenziswayo libhunga lezemveli, imathiriyeli esetyenziswayo nokufumaneka kweemathiriyeli (elungelelaniswe neemeko zikabhuhane i-COVID-19). Izikolo ezinezicelo ezibe yimpumelelo, ziya kuzihlawulela iindleko zona ngokwazo zize zinikwe i-invoyisi yeendleko ze-100% phambi kokuba ku-odolwe icwecwe lesikhumbuzo.

3.3 Isicelo ngasinye siya kuqwalaselwa ngokwemeko yaso yiphaneli yabagwebi emele i-HASA kunye namabhunga ayinxalenye yenkxaso yezemveli awahlukahlukeneyo ne-Centre for Conservation Education. Izikolo kufuneka zifezekise **ibenye kwiikhayitheriya ezintandathu** ezidweliswe kwingongoma 4. Izikolo mazinike izizathu ezivokothekileyo zesicelo sazo, (zidwelise oovimba/amaxwebhu ezinawo ukwenzela ukuba ingqinisiswe ingcaciso); mazizibhengeze njengezizimiseleyo ukubonisa icwecwe lesikhumbuzo i-blue plaque kumphambili wesakhiwo sazo; yaye zingenise izicelo zazo ungalulanga umhla osikiweyo. Apha kuqhotyoshelwe ifom yokwenza isicelo isiHlomelo A (ifumaneka ngesiNgesi kuphela). **Ziyakhunjuzwa izikolo ukuba ukufaka isicelo akukuniki ngqiniseko yakuphumelela kwesicelo ngokuzenzekelayo.**

- 3.4 Izikolo ziya kwaziswa nge-imeyili nangefoni ukuba ngaba zilinikiwe na okanye hayi icwecwe lesikhumbuzo. Oku kuxhomekeke ngokupheleleyo kwingqiqo yekomiti yabagwebi. Izikolo ezizifezekisayo iikhrayitheriya kodwa ezingenako ukuwongwa ngenxa yenani elikhulu lezicelo, ziya kucelwa ukuba ziphinde zizifake kwakhona izicelo kunyaka olandelayo.
- 3.5 Izikolo ezifumana amacwecwe ii-*blue plaques* zimele **ukwazisa abafundi, abazali amabhunga olawulo nabahlali besikolo** ngoku kuqatshelwa kwegalelo lazo. Abafundi ngokukodwa, bamele ukuyazi intsingiselo nexabiso leli cwecwe.
- 3.6 Izikolo ezifumana amacwecwe esikhumbuzo ii-*blue plaques* kufuneka zona **ziququzelele umsitho osesikweni wokunikezelwa nokutyhilwa kwamacwecwe esikhumbuzo** ngomhla nangexesha elifanele isikolo nabaququzeleli bomsitho lowo. Ukuba kunokwenzeka, oku makwenziwe **kwakulo nyaka wekhalenda ufanayo nalowo wokuwongwa kwaso yaye kukhethwa ukuba abafundi bathathe inxaxheba**. Ummeli osuka kwi-HASA, kwibhunga lemvelaphi elilifa lethu lengingqi okanye kwi-Centre for Conservation Education uya kubakho ukuba umenyiwe. Icwecwe lesikhumbuzo i-*blue plaque* limele ukuncanyathiselwa eludongeni kwiintsuku ezimbalwa phambi komsitho.
- 3.7 Kungelishwa ukuba ukunkinkishwa kombane kube kunganegalelo ekulibazisekeni ukuveliswa kwamacwecwe ii-*blue plaques*. Ngoko ke, izikolo kufuneka zingenise izicelo zazo ngexesha elichanekileyo.

#### 4. **Iindidi zamacwecwe**

- 4.1 Iindidi zamacwecwe esikhumbuzo zilolu hlobo lulandelayo:
- Iminyaka yobudala besikolo (masibe neminyaka engaphaya kweyi-125 ukuze sikufanele ukuwongwa).
  - Isakhiwo esibalasele gqitha ngendlela esakhiweyo ngayo (umz. Isikolo esakhiwa ngumyili wezakhiwo (*architect*) obalaseleyo, isimbo sokwakhiwa kwesakhiwo, njl.).
  - Ukuphumelela kwesikolo ngokuthubeleza phantsi kweemeko ezinzima (umz. ngethuba leMfazwe yaseMzantsi Afrika, ngethuba lemithetho yocalu-calulo, yokufuduswa kwabantu ngenkani, ngendima yaso kwidabi lokulwela inkqubo yedemokhrasi, ngethuba lokwehla kwentlekele yezendalo, njl. njl.).
  - Umfundi okanye utitshala wexesha elidlulileyo obalaseleyo (makaxelwe ngegama yaye makabe wasweleka).
  - Inkonzo yesikolo ekhethekileyo** eyenzelwe abahlali (umz. sisikolo sokuqala sasekuhlaleni, igalelo kwimfundo eneemfuno ezizodwa nasekuphuculeni umgangatho wabahlali njl.). **(Eli wonga alifumaneki lula.)**
  - Isikolo esele sivaliwe, kodwa nakuba kunjalo, sidlale indima ebaluleke gqitha kwezemfundo.

- 4.2 Izikolo zinokufumanisa ukuba zifaneleke kumacandelo amaninzi kodwa kufuneka zikhethe udidi **OLUNYE** oluchaza ngokugqwesileyo ezo zinto isikolo sizingca ngazo. Isikolo sinokuwongwa ngecwecwe *i-blue plague* ELINYE ngoko ke udidi olukhethwayo makucingisiswe ngalo ngobulumko.
5. **Izicelo zokulungiselela u-2023**
- 5.1 Umhla wokuvala ukungeniswa kwezicelo ngowama-**21 Apreli 2023**.
- 5.2 Izicelo mazenziwe kwikhompyutha ngokuthumela nge-imeyili ifom yesicelo enikiweyo (isiHlomelo A) nemayingeniswe apha: [principal@centreforconservation.co.za](mailto:principal@centreforconservation.co.za).
6. Ukufumana ingcaciso engaphezulu, kunokuqhagamshelwana nenqununu ye-*Centre for Conservation Education*, uMnu Anton Fortuin, kwinombolo yefoni **021 762 1622**.

**ISAYINWE:** NGU-AJE MEYER

**USEKELA-MLAWULI-JIKELELE WOPHUHLISO NOQUQUZELELO LWAMAZIKO**

**UMHLA:** 2023-03-07